

– Լաւ տղայ է, բայց...

Նա կտրեց իր խօսքը, եւ ընկալական լռութիւնից յետոյ շարունակեց.

– Գիտե՞ս, Ֆարհատ, քանի օրից յետոյ Կարօն իր ընկերների հետ գնալու են մի տեղ, դու նրանց հետ չգնաս:

– Ինչո՞ւ չպետք է գնամ:

– Այնպէս... մի՛ գնա... ես չեմ կարայ ասել... հայրս ինձ կսպանէ, թէ ասեմ...: Աղաչում եմ, Ֆարհատ, մի՛ գնա նրանց հետ:

Այդ խօսքերի միջոցին բարեսիրտ օրհորդի աչքերը լցոնեցան արտասուքով. նա պինդ կպած իմ կուրծքին, գրկել էր ինձ, երկար եւ երկար աղաչում էր, որ ես չմասնակցեմ Կարօյի եւ նրա ընկերների արշաւանքին: Բայց ի՞նչ արշաւանք էր այդ, դէպի ո՞ր կողմը եւ ի՞նչ նպատակով, – դրանց մասին ծածկամիտ Մարօն ոչինչ չյայտնեց:

– Ա՛խ, Կարօն... նա սիրտ չունի... նա գազա՛ն է, մարդ չէ... նրա համար մի ադամորդուն սպանելը այնպէս է, ինչպէս խեղճ հաւի վիզը կտրելը... Ես սուտ չեմ ասում, Ֆարհատ, ես իմ աչքով եմ տեսել...: Ա՛խ, հեռու կա՛ց այս մարդից, Ֆարհատ, չբարկացնես նրան... նա աստուած չունի...: Նա բարեկամ, ընկեր, – այս բաները չէ իմանում...

Այսպէս խօսում էր Մարօն արտաստախառն հեկեկանքով, բայց ինձ բոլորովին անհաւատալի էր երեւում, մտածել Կարօյի մէջ մի այնպիսի վայրենութիւն, որպէս նկարագրեց նրան Մարօն: Մի այնպիսի տղամարդ, որ բոլոր սրտով նոյնի էր իրան մարդասիրութեան գործին, չէր կարող գազան լինել: Ես Կարօյին լաւ էի ճանաչում, ճանաչում էի նրան երեխայութիւնից, բայց միթէ՞ փոխտել էր նա:

– Ես չեմ հաւատում, Մարօ: Կարօն այդպէս չէ, – կտրեցի ես օրհորդի խօսքը: – Ես նրանից չեմ բաժանո՞ւի, ուր որ գնայ, ես էլ կը գնամ նրա հետ:

Մարօն յայտնեց, թէ որպէ՛ս նա մի գիշեր սպանեց իր ամենալաւ ընկերներից մէկին, մի հնդկացի հայ երիտասարդի, որի վրայ փոքր-ինչ կասկած ուներ, թէ կյայտնէ իր գաղտնիքը. եւ անելացրուց, թէ կարող էր մինչեւ անգամ նրա դիակը ցոյց տալ ինձ, որովհետեւ այս անցքը պատահել էր մի քանի օր առաջ: Միայն ինքը, Մարօն, չէր կարող ամեն ինչ բացարձակ ասել ինձ, որովհետեւ վախենում էր իր հօրից:

– Ես միշտ հաւատարիմ կը մնամ Կարօյին, ես դաւաճանութիւն չեմ գործի նրա դէմ, – ասեցի ես: